



UNIVERSITÄTS-
BIBLIOTHEK
PADERBORN

Universitätsbibliothek Paderborn

Enarrationes Novae D. Martini Lutheri in Ionam Prophetam

Jonas, Justus

Haganoæ

Cum deficeret anima mea, Domini recordatus sum.

urn:nbn:de:hbz:466:1-36521

I N I O N A M

sti dextera tua è faucibus mortis, & repente uer-
sti luctum mihi in chorum, tenebras in uiuificam cõ
solationis lucem. Sic enim habet res cum tentationi-
bus, ut dicitur Germanico prouerbio, Quando ner-
uus maxime tenditur, tunc dirumpitur. Ideo scri-
ptura Deo tribuit titulum, adiutor in opportunita-
tibus, in tentatiõe: quia cum maxime omnia sunt de-
sperata, solet maxime consolari suos Deus. Quo-
modo autem nobiscum agit Deus, quãdo sic conso-
latur & iuuat, audi Ionam.

Cum deficeret anima mea, Do-
mini recordatus sum.

Primum dat Deus gratiam & spiritũ, ut cor eri-
gatur & animetur rursus, ut uiriliter repudiens co-
gitationes iræ, possit apprehendere uerbum pro-
missionis gratiæ & misericordiæ, uertere se à Deo
iudice, & accurrere ad Deum patrem. At sic affici
tempore tentationis non est in manu nostra, neque
humanarum uirũ. Ionas hic dicit, quod anima eius
ceperit desperare & pauere. Trepidatio igitur et
pauor uirtutes sunt, & uires nostræ & liberi arbi-
trij. Quod autẽ iam dulciter erga Deum afficitur,
recordatur Domini sui, & incipit credere, hoc op-
us est, & lumen spiritus Dei. Cum autẽ hoc, post
tenebras tentationis sequitur, ut cor incipiat recor-
dari

dari misericordiarum Domini, ibi noua quaedam lux
 splendet, ibi cor rursus ad se redit, ut cum fidu-
 cia audeat clamare ad Dominum, & tunc certo ex-
 auditur. Hoc est quod Ionas primo uersu dicit, Cla-
 mauit ad Dominum & respondit mihi. Hic nunc re-
 pente, quasi uno ictu, mors, ira Dei, peccatum, in-
 fernus prosternuntur, & triumphat infracta, &
 per omnia tandem uictrix fides Ionae, promissioni
 diuinae innixa. Quod autem dicit, Oratio mea ascen-
 dit ad te in templum sanctum tuum, iterum signifi-
 cat templum in Hierusalem, in quo Deus tunc pro-
 miserat se habitaturum. Populus enim Dei habuit
 mandatum, ut nullibi adoraret, nisi ubi erat locus
 electus & constitutus a Deo, quemadmodum Exo-
 ds. dicitur. Sic omnes qui in terra Israel, uel extra
 terram adorabant, ex Dei praecepto cor & faciem
 conuertebant uersus templum, ad locum ubi habita-
 bat Dominus per uerbum suum. Hoc mandatum eis
 erat, ne ullum alium Deum adorarent, quam illum
 qui sedebat inter Cherubin, super propitiatorium.
 Eo omnes dirigendae erant orationes, quemadmo-
 dum nos orationes & omnia dirigere debemus ad
 Christum, in quo habitat Deus corporaliter, qui est
 uerum propitiatorium.

Qui autem custodiunt uanitas

H 3